




THE EIGHT WITNESSES

Te Avae Setepa 1958

TE HEHEURAA API

Te Faariroraahia Te Pape Ei Uaina

(Ioane 2 Mareko 1.)

Ua titauhia o Iesu, e to'na atoa ra Metua vahine, ia haere i te hoê oro'a faaipoiporaa o te faatupuhia i roto i te oire iti ra o Kana, i Galilea. Ua titau-atoa-hia hoi te mau pîpî a Iesu. Ua riro hoi te oro'a amuraamaa ei tufaa rahi i roto i te faaipoiporaa a te ati Iuda ra.

I te reira mau tau e ere ia te pape i te mea maitai roa ia inu, i tana fenua ra. Aita te reira i tamâhia mai ta tatou mau pape i teie nei mau mahana, e no te reira, ua mâtâ'u te mau taata ia inu i te reira ia roohia i te ma'i no to'na repo, e no reira ua inu-tamau-noa ratou i te lito o te mau maa hotu ra.

E i te reira tau ua rave rahi te mau tumu vine, e te anani, te mei'a e te suke ta te ati Iuda i tanu, mai i teie nei mau mahana. Ua parauhia ta ratou lito o te vine ra ei uaina. Ua rahi te reira lito o te vine, oia hoi, e uaina, tei horoahia i te mau manihini o te mau oro'a faaipoiporaa, ia inu ratou, e ua na reira-mau-hia i tana oro'a faaipoiporaa ta Iesu, to'na metua Vahine, e ta'na mau pîpî i haere ra. E aita i maoro i te amuraa i te maa, pau-roa-a'era te uaina. Eaha ia te tia ia ravehia?

Haere maira o Maria, te Metua Vahine o Iesu, i ta'na Tamaiti, e na ô atura: "*Aita a ratou e uaina.*" Pahono atura o Iesu e, e ere ia te reira i te ohipa na'na. Ua ite râ o Maria e, e mana rahi to'na e e tia hoi ia'na ia tauturu, mai te mea ua hinaaro oia. Fariu atura oia i te mau tavini o te fare e na ô atura oia ia ratou, "*Ta'na e faaue mai ia outou na, e na reira outou.*"

Te vai noa ra, i te vahi huru fatata, i na hue pape ofai e ono, e hoê ahuru ma ono tarani e ô i te hue hoê ra. Faane atura Iesu i te mau tavini ia faa i te reira i te pape, e ua faa i ratou e tae roa a'era i te auvaha. Ua faarirohia te pape ei uaina, e i reira faaue ihora oia ia faatahe na i

te tahi maa vahi iti e ia afaihia te reira i te tavana o te oro'a. I to te reira taata tamataraa i te reira, aita hoi oia i ite e, eaha ra tei tupu, parau atura oia i te tane apí, "*O te uaina maitai ta te taata atoa e tuu mai i te matamua ra, e ia inu te taata e ia rahi, ei reira te mea ino a'e; vaiiho iho nei ra oe i te uaina maitai, e i teie nei i hopoihia mai ai.*"

Ua riro te reira semeio o te faariroraa i teie uaina ei haamataraa no ta'na mau ohipa maere rahi ta'na i rave i Kana, i Galilea no te faaite atu i to'na mana rahi e to'na ra hanahana. Faaroo roa a'era ta'na mau pípí ia'ua.

I roto i te tahi oire ua haere maira te hoê taata ia Iesu e tipapa ihora i mua ia'na. Ua pohehia te reira taata i te ma'i lepera, o te hoê ma'i ri'ari'a tei ite-pinepine-hia i te reira tau. Aita a te mau taote raau no te reira ma'i e ua mātā'u hoi te mau taata i te faafatata'tu i te mau taata tei roohia i te reira ma'i. Ia haere te mau taata lepera na nia i te mau aroa, ia pii noa hoi ratou. no te faaara'tu i te taata e, eiaha e tapiri mai, e "*Lepera E Lepera,*" Na ô atura taua lepera ra, tei tipapa i mua ia Iesu, "*E te Fatu, ia tia ia oe ra, e mâ vau ia oe.*" Na o atura Iesu, "*Ua tia ia'u, ia mâ oe.*"

I to Iesu iteraa i te faaroo rahi ô taua taata lepera aroha ra, faatoro atura oia i ta'na rima e faatiahia'tura ia'na, e ua faaorahia taua taata i taua taime ihora. Parau atura oia ia'na eiaha oia e fa'i i te mau taata e mea nahea to'na faaoraraahia, tera ra, aita i maoro ite atura te mau taata i te reira, e ua rave rahi te mau taata tei haere mai i te Fatu no te faaroo ia'na e ia faaorahia hoi i to ratou ra mau ma'i.

Parare roa'tura râ te roo o Iesu e na te reira i faatupu i te inoino e te feii o te mau tahu'a rarahi o te ati Iuda ra. Te vai ra to te reira mau taata haapiiraa tumu no nia i te pae o te faaroo, e ua hape te rahi o te reira. Ua itehia te tahi pae o te mau taata ei mau Pharisea, e tei roto ia ratou te mau enemi ino roa o Iesu. Ua imi pinepine noa ratou ia

faa haapa ia'na e ua afai mai ratou i to ratou mau iriti ture na muri ia ratou no te imiraa i te ravea ia fariu mai te aau o te mau taata no te patoïraa'tu ia'na ra.

E tae a'era i te hoê mahana te haapii ra oia, i roto i te hoê fare, e te parahi maira te mau Pharisea e te mau haapii ture i pihaiho ia'na. Haaputuputu maira te mau feia e rave rahi no te faaroora'a'tu i ta'na ra mau parau. E i to te tahi mau taata faaroora'a e, tei reira o Iesu, afai maira ratou i te hoê taata tei roohia i te ma'i hapepa ra. Ua hopoi mai ratou ia'na i nia i to'na iho ro'i, no te mea aita i tia ia'na ia haere. I to raton taeraa'tu i te fare no te rahi o te mau taata aita'tura i tia ia ratou ia haere i roto. I reira rave atura ratou ia'na i nia i te tapo'i o te fare ra, e iriti atura i te tapo'i e tuu maira ia'na, i nia to'na ra ro'i, i roto i te piha tei reira o Iesu.

I to te Faaora iteraa i te faaroo o taua taata ra, e to to'na ra mau hoa, aroha'tura oia ia ratou. Ma te fariu atu i te taata ma'i ra, na ô atura oia, "*E teie nei taata, ua faaorehia ta oe hara.*" Maere ihora te mau Pharisea e te mau haapii ture ra. Aita roa ratou i faaroo e, e tia ia Iesu ia faaore i te hara, e no reira na ô atura, "*O vai teie e faa inaina Atua? E tia ia vai ia faaore i te hara muori râ i te Atua ana'e rá?*"

Te ite ra Iesu i to ratou mana'o, e ua parau atura, na ô atura, "*Eaha ta outou i feruri noa i roto i to outou aau na? Teihea te mea rave ohie, o te parau anei, Ua faaorehia ta oe hara, e o te parau anei, A tia, e haere? Ia ite rá outou e, e mana to te Tamaiti a te Taata i te ao nei ia faaore i te hara, (Parau atura oia i taua hapepa ra.) te parau atu nei au ia oe, A tia, a rave i to ro'i, a ho'i i to utuafare ma te haamaitai i te Atua.*"

Tia ihora taua taata ma'i no nia mai i to'na ro'i, rave ihora oia i te reira, e haere ê atura oia i rapae i te fare e haere atura oia i to'na iho utuafare ma te haamaitai atu i te Atua.

I ihora te mau taata tei ite i te reira i te mātā'u, e ua parau noa ratou no nia i te mau mea tei itehia e ratou i taua mahana ra.

E i muri a'e i te reira haere atura Iesu i te fare o Levi, e a ore ra, o Mataio, te telona ra, ta'na i maiti ei pīpī na'na ra. Faatupu ihora o Mataio i te hoê amuraa maa no te Faaora e ta'na ra mau pīpī, e ua titau atoa'tu oia i te tahi atu â mau telona, e a ore ra, te mau feia titau moni aufau, tei inoino-roa-hia e te mau ati Iuda ra.

I to te Pharisea iteraa ia Iesu i te amuraa i te maa e te mau telona, amuamu ihora ratou e parau atura i ta'na mau pīpī, "*Eaha outou i amui atoa'i e te mau telona e te mau feia hara i te amuraamaa na?*"

Pahono atura Iesu ia ratou, "*E ore te tahu'a e au i te feia ora, i te feia ma'i râ. Aore au i haere mai e parau i te feia parau-tia, i te feia hara râ ia tatarahapa.*"

Marcel Bonnet

E Nahea Ra Tatou Ia Pure Atu I Te Atua?

E ohipa faufaa roa e te maitai rahi hoi te pure, e te pure nei hoi te pae rahi o te mau taata. Ua papu anei râ ia tatou te ravea tano no te pure atu i te Atua?

Ua rave rahi te mau mea ta te Fatu i haapii mai ia tatou no nia i te pure. I te matamua, a poro haere ai Oia i te Evanelia ua na ô mai Oia e, "*e na ô outou ia pure: E to matou Metua i te ao ra*" (Mataio 6:9) ei haapapuraa ia tatou e, e mea tia, ia tatou, ia pure atu i to tatou Metua o te parahi nei i nia i te ra'i. O te Metua ana'e ta tatou e pure, eiaha râ tatou ia pure atu i te Mesia, oia hoi, ia Iehova, e a ore ra, i te tahi taata ê atu. Ua tia roa ra, ia tatou, ia tuu atu i ta tatou mau pure i mua i te aro o te Metua mure ore ra.

Ua haapapu mai Oia, i te mau mahana hopea nei, i te reira na roto i na pure tamau e toru Ta'na i horoa mai ia tatou, oia hoi, i na pure no te oro'a e te tomoraa i te Hiero i Ketelani. Te na ô maira te parau, i roto ia ratou "*E te Atua, te Metua mure ore, te ani atu nei matou ia Oe na roto i te i'oa o to Tamaiti, o Iesu Mesia.*" (Moroni 4:3; 5:2.)

E mea tia atoa ia na reira tatou i roto i ta tatou mau pure, oia ia, ia pure tatou i te Metua mure ore, e ia pure atu tatou Ia'na na roto i te i'oa o Ta'na Tamaiti o Iesu Mesia ra. Ua rahi roa te mau taata, o te ao nei, tei ore roa i haapao i teie parau i roto i ta ratou mau pure. Mai ta tatou e faaroo nei, i roto i te radio, e te mau pure a te mau taata, ia pure ratou, aita ratou e pure nei na roto i te i'oa o Iesu Mesia, e a ore ra, e pure noa ratou na roto i te Tamaiti mai te vaiiho roa'tu i te i'oa o te Metua ra.

Ia faahapahia ratou e parau mai ratou e, aore o Iesu i na reira i roto i Ta'na pure tei papaihia i roto i te Mataio i te pene 6 ra. Aita râ ratou i haamana'o maitai e, na Iesu iho â i haapii atu i tana pure ra, e i muri a'era i te taime i faahitihia'i taua pure ra na faane te Mesia e, ia pure Ta'na mau Pipi na roto i To'na i'oa. I hea Oia i faane atu ai ia ratou? A tai'o na i te Ioane 16:23-24 e te Ioane 14:13-14. Ua faaite atu Oia ia ratou e, aita â ratou i pure atu na roto i To'na ra i'oa. I taua taime ra na faane Oia, ia ratou, ia pure ratou i te Metua na roto i te i'oa o te Tamaiti. No reira eiaha tatou e pure atu i te Tamaiti. Ua taa roa i te aiû e mea ê ihoa to'na tuaana e to'na ra metua tane, no reira eiaha tatou ia riro ei mau maamaa ma te pure atu i te Tamaiti i roto i ta tatou mau pure, e pure ra tatou i te Metua mure ore na roto i te i'oa o Ta'na ra Tamaiti, e to tatou ra tuaana o Iesu Mesia.

Ua haapapu atoa te faaora i te ravea tano no te pure, i roto i te Buka a Moromona (III Nephi 18:19.) No reira eiaha tatou e tavi i te parau a to tatou Faaora, e pure râ tatou i te

Atua, te Metua mure ore i te ao ra, na roto i te i'oa o Ta'na ra Tamaiti fanau tahi, o Iesu Mesia, to tatou Fatu. Ia na reira tatou i te mau pure atoa e tia'i, oia hoi, te pure no te maa, te pure i roto i te pureraa amui, te pureraa utuafare e te mau pureraa haamaitairaa atoa hoi.

Ua haapii atoa mai te Mesia e, e mea tia ia ani atu tatou, no te mau maitai e tano, ma te tiaturiraa papu e, e pahonohia mai ta tatou mau aniraa. (III Nephi, i te pene 18.) Mai te mea aita tatou e tiaturi i te pure e mea papu e, aita e faufaa no te pure.

Eiaha atoa e ani atu, i roto i ta tatou mau pure, i te mau aniraa tano ore, e a ore ra, te mea tia ore, no reira, eaha ia te mau mea tano te tia, ia tatou, ia ani atu i te Metua no te horoa mai na tatou? Ua faaite mai Alama i te reira mau mea i roto i te Buka a Alama, i te pene 34, oia hoi, e pure atu tatou no ta tatou mau ohipa, no to tatou mau utuafare, ta tatou mau ta'oa, ia parurubia tatou i te mau enem i te mau faahemaraa, e ia parahi maitai tatou e te mau taata i pihaiho ia tatou, e no te mau taata i rapae au atu.. Ia pure atoa tatou no te mau feia tei roohia i te ma'i, e no to tatou mau enem i te mau taata tei hamani ino mai ia tatou. (Luka 6:27-31.) Ia pure ta taitahi tatou, e ia pure amui atoa tatou i roto i to tatou mau utuafare atoa hoi.

Aita tatou i te mau mea maitatai, e te mau mea iino, no tatou nei, no reira e mea tia roa ia hi'opoa maite tatou, i to tatou mau hinaaro, hou a pure atu ai tatou ra. Ua rahi a'era to te Atua i te, i to tatou nei, no reira ia pahono mai Oia e, "*aita*", eiaha tatou e mârô atu, e farii ra i Ta'na pahonora ma te vaiho atu i te reira aniraa a tatou nei.

Ia pure tatou, a pure ma te faaroo e te tiaturiraa papu e, mai te mea e navai to tatou faaroo, e pahono mai te Atua i ta tatou aniraa. Ua rave rahi roa te mau taata ta Iesu i faaora, e ua pinepine To'na parauraa'tu ia ratou, "*ua ora oe no to oe iho faaroo.*"

O te pure ra, o te hoê ia haamaitairaa rahi, e te faufaa hoi, ta te Atua i boroa mai no tatou. E roaa mai, ia tatou, te ite, e te mau maitai, e te oaoa faito ore ia haapao-maitai-hia te reira ohipa na roto i te afaro e te faaroo papu hoi. Na to tatou haapao-maitai-raa, e te haapaeraa maa e faaite i te faito o to tatou nei faaroo, no reira, a pure pinepine ana'e tatou i te Atua, e ia pure tatou a haamana'o maitai tatou ia riro ta tatou mau pure ei mau pure tei au maitai i tei haapii-hia mai e Iesu ia tatou nei, eiaha râ tatou ia rave i te tahi mau ravea taa ê a te taata nei.

Robert Orometua

POURQUOI SOMMES-NOUS UN PEUPLE SINGULIER?

Par John A. Widsoe.

Par leur apparence, leurs vêtements, leur langage, leur éducation, leurs professions et leurs coutumes sociales, les Mormons sont comme tout le monde. Lorsque le terme "*singulier*" est appliqué à nous, c'est au sujet de nos croyances religieuses et de nos pratiques et coutumes basées sur ces croyances, domaine qui est entièrement de nature personnelle, mais dans lequel nous différons des autres croyances et églises chrétiennes.

Ces différences sont vitales et ne peuvent être niées. Elles feront de nous un peuple singulier jusqu'à ce que le monde arrive à l'unité de la foi. Nous n'étaions pas nos différences devant nos amis ou devant les autres religions, mais nous n'essayons pas non plus de les cacher. Nous sommes fiers d'elles, car elles sont fondées sur la vérité, et la vérité est notre bien le plus précieux. En outre nous savons que si nos qualités uniques étaient imitées partout, la paix descendrait sur la terre.

Les singularités des Saints des Derniers Jours peuvent être rangées en cinq catégories principales:

REVELATION DIRECTE:

Premièrement: L'Eglise affirme, sans réserve, qu'elle a été fondée par la révélation directe de Dieu. Le Père et le Fils, en apparaissant personnellement à Joseph Smith, initièrent l'oeuvre qui mena à l'organisation de l'Eglise. Au cours de cette apparition, Dieu se manifesta sous la forme d'un homme qui s'adressa, de sa propre voix, au jeune prophète, et lui donna des instructions. A une époque où la plupart des hommes croient que Dieu est une essence céleste, sans corps et sans forme, qui a cessé, depuis longtemps, de parler à l'homme, cette affirmation de l'Eglise est vraiment son trait le plus particulier. Cette différence ressort encore davantage dans notre affirmation que des êtres célestes, hommes ayant vécu sur la terre, ayant subi la mort et ayant été ressuscités, donnèrent à Joseph Smith d'autres instructions et directives concernant l'oeuvre qu'il avait été appelé à accomplir. Ce rapport intime entre le monde visible chrétien, et le monde invisible est, à certains égards, étrange aux yeux du monde chrétien, et fait de nous un peuple singulier.

LA VRAIE EGLISE DU SEIGNEUR:

Deuxièmement: Une différence très appréciable réside dans l'affirmation que l'Eglise restaurée, établie précisément sur le modèle de l'Eglise primitive de Christ, est le seul instrument officiel par lequel le Seigneur exécute, sur cette terre, son plan de salut en faveur des enfants des hommes. La mission de l'Eglise de Christ est d'établir le royaume de Dieu sur terre. Pour faire cela, le pouvoir nécessaire pour accomplir avec autorité les ordonnances du royaume, est requis. Ce pouvoir a été donné à l'Eglise. La Sainte Prêtrise lui a été conférée par les anciens dignitaires qui la détenaient, lorsque l'Eglise n'était pas encore souillée. Etant

donné qu'il y a eu apostasie de l'Eglise primitive, et que toutes les autres Eglises chrétiennes ne disposent pas de la prêtrise, tous ceux qui désirent entrer dans le royaume de Dieu, en tant que citoyens légitimes, doivent le faire dans les limites de l'Eglise restaurée du Christ. C'est l'Eglise du Seigneur, autorisée par lui. Dans de telles conditions, le destin de l'Eglise est assuré. Le Seigneur est toujours victorieux, et son Eglise le sera aussi. Aux membres d'autres églises, cela peut paraître prétentieux, mais seule une telle foi donne aux membres de notre Eglise du courage et de l'assurance. Devant une telle foi, la crainte de l'avenir s'évanouit, si nous essayons sincèrement de mener à bien les buts du Seigneur.

(a suivre),

Toni Orometua

TE ATUA MANA.

Ua riro te ma'i ei tumu peapea no te taata i roto i te roaraa o to'na ra oraraa. Noa'tu ra i te reira, e mana to Iesu i nia iho i te reira. Ua faaora Oia i te feia tei pohe i te ma'i, noa'tu i te huru o to ratou mau ma'i e ua horoa'tu Oia i te mana, i te vetahi atu â mau taata, ia patoi atu ratou i te ma'i e ia horoa mai i te oraraa maitai e te puai hoi. No reira ua riro mau Oia ei Atua no te mau semeio, ei Atua tei i i te mana, e na te reira e faarahi i to tatou tiaturiraa Ia'na ra.

E Atua aroha, e te marû, e te han hoi Oia: tei taere i te riri, e te faaoromai, tei i i te here e te aroha. I roto i to tatou huru taata nei, tei i i te mau peapea e te mau hape-hape o te taata nei, na te reira mau huru o te Atua e tauturu mai i tei tiaturi atu Ia'na ra, e ia faatupu hoi, i roto ia tatou, i te mau mea maitatai ma te tiaturiraa e e amui mai Oia ia tatou i roto i to tatou mau tiaturiraa ia haavi i te ino, e ia horoa mai hoi Oia i te tautururaa no te pae varua.

Ua ite ihoa tatou e, tei noaa ia'na te ite o te eyanelia e tei titau hoi i te ora, te faahapa nei te hara i te natura o te Atua. Ia noaa ia'na te ora e ia faaore hoi i ta'ta mau hara, na riro ia Oia ei tiaturiraa na te taata, e na te reira e faaite mai e, e tia ia'na ia farii mai i te mau haamaitairaa no ò mai i te Atua. Area, e nahea oia i te tamâ ia'na iho? E parau mau roa, e tia hoi ia'na ia faaore i te raveraa i te hara, e ia tatarahapa mau, area ra, te vai noa ra te tafetafeta o te reira i nia ia'na. E mea tia roa hoi ia faaorehia te reira. Na hea ra?

“O Vau te tiaî mamoe maitai. o te horo'a i To'na ora no Ta'na ra nana.” I te taime i parau ai te Fatu i taua mau parau ra, te vai ra te hoê feruriraa papu i roto ia'na, ua pohe oia no te mau taata, ma te rave i nia iho Ia'na te utu'a no te hara o teie nei ao. Ahiri te mau taata e haere mai nei Ia'na, na roto i Ta'na ohipa e faaorahia ia ratou; na roto i To'na toto taraehara e e tamâhia ta ratou mau hara.

O Oia te tusia hara ore. No te mea aita roa te Fatu i pio no te raveraa i te hara, aita roa Oia i riro ei tîti no Sata-ne. No Ta'na parau-tia i afai roa Ia'na i nia roa i te faatere-raa i Tei Ino ra, no te mea ua na ô mai Oia i te tahi taime: *“te haere mai nei te arii o teie uei ao, aore roa ana i roto Ia'u.”* (Ioane 14:30) Mai te mana i nia a'e i te hara, e te pohe, tei vai noa i roto Ia'na, e na roto hoi i To'na tuuraa Ia'na iho ei tusia i nia ia Calavaria ra, riro atura Oia ei tumu no te ora o te mau taata atoa o te faaroo Ia'na e te haapao hoi i Ta'na ra Evanelia.

Ia noaa te reira ite i te varua o te tatarahapa, e i oia i te tiaturiraa apî. O te reira ia te ravea e mâ roa'i oia i te mau hara tei haafifi noa ia'na. O te reira ia te ravea e noaa mai ai te tiamâ ta te Atua ana'e e horoa mai. O te reira ia te uputa no te ora. E i teie nei ra, na tupu te faaroo i roto i te aau o te taata,

Na roto i te reira haapiiraa e noaa te ite ia'na e, e mea na roto ana'e ia Iesu Mesia te ora e tae mai ai, no te mea o Oia ana'e tei pohe no ta tatou mau hara, e To'na ana'e te mana no te faaoreraa i te hara. Area ra ua faataehia'tu Ta'na mau haamaitai faaora i nia i te mau feia atoa o te faaroo Ia'na ra. Ua na ô atura o Paulo i te tiaf fare tapearaa, "*A faaroo i te Fatu ra ia Iesu Mesia e e faaorahia oe*" Ua haapii atoa mai o Iesu e, "*O tei faaroo i te Tamaiti ra, e ora mure to'na: e o tei ore i faaroo i te Tamati ra, e ore oia e ite i te ora, te vai ra ia te riri o te Atua i nia iho ia'na.*" (Ioane 3:36)

E au mau here e, tei ia tatou te toe, ia haapao maitai i teie mau haapiiraa nehenehe a te Mesia.

To Outou taeae i te Faaroo, Pou Moo

Ta Tatou Amuiraa Rahi

I roto i te hebedoma matamu no te ava'e Atete, ua faaterebia ta tatou amuiraa rahi Misioni i Papeete. Ua haamatahia te reira i te Sabati matamua, oia hoi, i te 3 no Atete na roto i te mau pureraa a'oraa Evanelia, e te fariiraa i te mau taata tei tae mai. Ua papaihia te mau i'oa o te mau taata tei tae mai no taua amuiraa nei oia hoi 440 tiahapa taata. I te pô Sabati matamua ua haapaohia te pureraa a'oraa Evanelia na roto i te re'o farani, e ua î roa te fare pureraa i taata i taua taime ra.

I te Monire ua faatere faahou hia te tahi pureraa amui, e i te ahiahi ua haapaohia te tahi pureraa na te Sotaiete Tuahine. I taua taime atoa ra ua haere te mau tamarii i Papenoo no ta ratou picnic. I te pô ua hautihia te tahi mau hautiraa popo na te mau tane, e te mau tamahine atoa hoi.

I te mahana piti e te mahana toru ua faaterehia te Soirée na te pūpū Himene i roto i te fare cinema Rex. E mea au roa e te faahiaha ta ratou mau himene, e tae roa'tu i te mau

oriraa e te himene tarava e te mau ohipa atoa ta ratou i rave.

I te mahana maha ua hautihia te hoê pièce, na to Avera, Raiatea, te hautiraa. Itaua ihora taime ua faatere-atoa-hia te mau hautiraa huru rau e tae roa'tu i te papio na te mau tamarii. I roto i taua mau hautiraa ra ua horoahia te mau tauhaa na te taata maitai i roto i taua mau hautiraa ra. E raverahi te mau hautiraa no taua pô nei, e ua tupu roa te oaoa e te anaanatae i roto i te aau o te mau taata tei tae mai.

I te mahana pae ua faaterehia te pureraa na te u'i apî, e tae noa'tu i te mau feia aratai no te mau Amaa. Ua riro te reira ei maitai na ratou atoa, e ua maitai roa te mau a'o-raa na te feia apî o tei faaite mai i to ratou mau mana'o maitai.


I te mahana maa, haere atura te mau taata i Arue e hopu i te miti. I reira ua faatere atoahia te tahi mau hautiraa no ratou e tae roa'tu i te tamaaraa rahi. Ua mauruuru ratou i te maa i horoahia e ua amu maitai ratou e ua i roa te opu.

I taua pô ra ua faaterehia te oriraa rahi tei parauhia, te Piru, e te Matie. Ua rahi roa te mau taata tei tae mai i taua pô ra, e ua oaoa roa teie mau rahiraa taata i tae mai.

I te mahana Sabati ua faaterehia te mau pureraa i te poipoi, i te avatea, e i te ahiahi. Ua tae ana'e mai te mau taata, e mea maitai roa te mau ohipa i ravehia i reira. I te pô ua faaroohia te mua himene raa tarava, e tae roa'tu i te tahi mau aamu tahito no te feia matamua i teie pae au, e no reira ua faaoti-maitai-hia te mau ohipa atoa i roto i taua hebedoma taatoa nei.

PARAU RII APÎ

I te poipoi mahana maha, oia hoi i te 7 no Atete, ua reva'tu to tatou hoa orometua o Setephano. Ua hope roa to'na tau i'o nei e no reira te ho'i faahou nei oia i to'na utuafare. I roto i to'na tau orometua ra ua tae oia i te mau vahi e te mau amaa no teie Misioni. E taata haapii himene oia, e i to'na mau tere ua tauturu oia i te mau taata i te



haapiiraa i te mau himene e te mau ohipa apî no te faaoaoaraa i te taata. I to'na na pô hopea i ô nei ua faatere oia i te soirée i roto i te fare cinéma Rex, e mea maitai roa te mau ohipa i te reira taime.

I taua poipoi ra, ua tae atoa'tu te mau melo o te Ekalesia i te uahu no te faaite raa'tu i te tapao no to ratou aroha.

E no reira, e Setephano ia haamaitai mau hia oe e te Atua no ta oe mau ohipa maitatai i rave i teie Misioni Tahiti.

TO TATOU FARE PURERAA APÎ I UTUROA

I teie nei mau mahana ua tae mai te parau apî, no Raiatea mai, tei faaite mai e, ua faaotihia te hamahiraa o te Fare parahiraa no te Orometua e te fare hopuraa pape i reira, e ua oti atoa te tahua o te Fare Pureraa apî i reira, e ua riro te reira mau parau apî ei tapao e, te rave itoito nei te mua Orometua rave ohipa i ta ratou mau tufaa ohipa ma te itoito rahi.

TE MAU FARE API O TE MISIONI.

I roto i te aua o te Misioni, i Papeete nei, ua faaoti-roa-hia te hamaniraa o te hoê fare rahi i reira. Ua tatufaa-hia taua fare ra i roto i na tufaa e maha, oia hoi, te hoê piha puaraa ahu; te hoê piha vairaa o te mau afata ahu o te mau Orometua; te hoê piha vairaa, e te raveraa ohipa e te hoê piha tei faataahia no te putuputuraa a te mau tamarii Scout. Ua hamani-atoa-hia te tahi na fare pape e piti, hoê na te mau tamahine e te tahi na te mau tamaroa e i te hopea roa o taua fare apî ra te vai faahou ra te hoê piha iti no te vairaa o te mau tauihaa hamaniraa fare.

Aue teie mau ohipa i te faahiahia tei horoahia mai na tatou atoa.

UA ITOITO MAU

O te parau apî teie no te hoê Tamaiti, o te Ekalesia nei, tei haere i Farani i te haapiiraa teitei, na roto i te tautururaa a te Hau Metua ra o Farani.

Te faaite mai nei taua tamaiti ra e, ua manuïa oia i te haruraa te tufaa matamua o te (*Bacalauréat*) hoê haapiiraa teitei, e e tamata faahou oia ia noaa atoa mai, ia'na, te piti o te tufaa o te reira haapiiraa, e ia manuïa oia i te reira vahi ua oti ia ta'na haapiiraa i reira, e i reira oia e feruri ai e, eaha te ohipa ta'na e haapii.

I teie nei mau ava'e ua faaea te mau haapiiraa e ua maitihia oia ei Orometua poro Evanelia i te tahi mau tufaa fenua i Farani, e ua oaoa roa oia no teie toroa apî tei tuuhia'tu i nia ia'na, e teie te i'oa o taua tamaiti ra, oia hoi, o Henri Buchin.

Te Hoho'a No Ta Tatou Ve'a. Te Tii O Na Ite Toovau

I teie ava'e ua itehia te hoho'a no na ite too vau no te Buka a Moromona. Ua ootihia taua hoho'a nei i nia i te hoê tii veo paari o tei patuhia ei haamana'oraa i taua na taata nei. No te mea ua riro ratou ei feia faaite-papu-raa i te buka auro no reira mai te Buka a Moromona. Te na ô mai nei ratou i roto i ta ratou parau e:

"Ia ite to te mau fenua atoa, e to te mau nunaa atoa, e te mau re'o atoa, e te mau opua atoa e taehia i teie nei buka e, na Iosepha Semita, o tei iriti i teie nei parau, i faaite mai ia matou i te mau api i parauhia"enei; e mai te auro ia ia hi'ohia'tu; ua fafa hoi to matou iho rima i te mau api atoa i iritihia e taua taata ra e Semita; e ua ite hoi matou i te mau parau i ootihia i nia iho; ua au te reira i te ohipa tahito e te huru ê hoi. Te faaite atu nei matou i teie nei parau ma te parau mau, na Semita te mau api i faaite mai ia matou, ua fafa e ua faito rima hoi matou i taua mau api ra, e te ite papu nei matou e, tei taua taata ra, o Semita, taua mau api ta matou e parau nei. Te tuu atu nei matou i to matou mau i'oa i to te ao nei, ei faaite i to te ao nei i ta matou i hi'ora; e aore ia matou i haavare, o te Atua hoi tei ite."

Christian Whitmer

Hiram Page

Jacob Whitmer

Joseph Smith Sr.

Peter Whitmer Jun.

Hyrum Smith

John Whitmer

Samuel H. Smith